

Предстательством и молитвами сонма новомучеников и исповедников Российских, предстоящих пред Престолом Божиим и молящихся за наш многострадальный народ, за

Русскую Церковь и нашу возлюбленную Отчизну, да укрепит Господь веру православных христиан и ниспошлет нам Свое благословение. Аминь.



МЕСЯЦА ИЮЛЯ В 4-й ДЕНЬ

Преподобнаго Андрея Рублёва, иконописца

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, возвах: стихиры, глас 3:

Приидите, вернии, руками восплещим, и возрадуемся, и прославим/ преподобнаго Андрея,/ от родов наших избраннаго,/ иже Воплощенное Слово во образех истинно воплотит,/ да воззрят люди и познают, // яко Господь есть Христос, Избавитель мира.

Чистоту ума и сердца,/ целомудрие и кротость возлюбив, отче Андрее,/ очерневшее естество мира сего отвергнул еси/ и устремился еси к Совершенному,/ Иже Троицкий имать образ и число./ Темже любовь и красоту совершенную// Господа Славы познал еси.

Сораспялся еси Христу любовью, блаженне,/ на Кресте видя Единого от Троицы,/ Егоже показуеши во образех пребывающа/ и, Церкви послушен быв всегда,/ нас поучаеши Тому поклоняться, вопия:// слава Создавшему вся.

Ины стихиры, глас 5:

Сердце твоё утвердил еси в Господе/ и образ Премудрости и Силы,/ Христа, за ны распеншагося,/ во иконах явил еси, преподобне,/ иудеом соблазн, еллином безумие, // нам же верным Спасение.

Глас Ипостáсныя Премúдрости, Христа́,/ услышал еси́, óтче, зовый́:/ ащé кто безúмен, обратíся ко трапéзе Моéй,/ Аз бо есмь нача́ло и конéц./ Трапéзы óныя насладíлся еси́, преподóбне,/ и возвеселíлся еси́ о спасéнии,/ éже Слово принесé Воплощённое,/ и во óбразех показúеши пир Господень, // уготóванный звáнным Егó.

Вся премúдростию сотворшаго Гóспода/ достóйно просла́вил еси́,/ но не похвалíлся еси́ мúдростию твоéю, óтче преподóбне,/ хва́лишися бо о éже разумéти и знáти Гóспода, // спаса́ющаго нас Крестóм Своём.

Сла́ва, глас 4:

Изначáла даром облечён бысть человек/ твáрем именá нарещí,/ Христóс же вёрным власть даде́/ в вещéственных óбразех Божéственная печатлéти,/ и я́ко Лукú от апóстолов,/ та́кожде и ты от Цéркве Росси́йския призвá, избрáнниче Бóжий,/ ко священному иконописáнию, // да просла́вится чрез óбразы сíла соде́тельная Творца́ и Гóспода.

И ны́не, Богорóдичен.

Вход. Прокíмен дне. И чтéния три.

Быти́я чтéние (глава́ 18):

Явíся Бог Авраáму у дýба Мамври́я,/ сидя́щему пред двéрьми сéни своея́ в полúдне;/ воззрéв же очíма своёмá, узрé, и се Триé Мúжи стоя́ху прýмо емú./ И видев Я, притечé в срéтение Им от двéрий сéни своея́,/ и поклонíся до землí, и речé:/ Гóсподи, áще обретóх благодáть пред лицéм Твоём,/ не минí раба́ Твоегó,/ да принесéтся водá, и омýются нóги Вáша,/ и прохладитéся под дýбом,/ и принесú хлéбы, да я́сте;/ и посэм минетé на путь Свой,/ егóже рáди совратíстеся сэмо к рабú Своёмú./ И рéша: та́ко сотвори́, я́коже глаго́ла./ И потщáся Авраáм в сень к Сáрре и речé ей:/ ускори́ взя́ти три спúды муки́ чíсты и сотвори́ потреб́ники./ И течé Авраáм в крáвы, и поя́ теле́ц млад и добр,/ и даде́ я́ рабú и ускори́ пригото́вити е./ И взя́ ма́сло, и млекó, и теле́ц, éже пригото́ва,/ и поста́ви пред Нíми,

и ядоша./ Сам же стояше пред Ними под дрэвом./ Господь же рече:/ еда утаю Аз от Авраама, раба моего, яже Аз творю?/ Авраам же бывая будет в язык велик и мног,/ и благословятся о нем вси языцы земнии:/ вем бо, яко заповесть сыном своим и дому своему по себе,/ и сохранят пути Господни, творити правду и суд,/ яко да наведет Господь на Авраама вся, елика глагола к нему./ Рече Господь:/ вопль содомский и гоморрский умножится ко Мне, и греси их велицы зело;/ сошед убо, узрю, аще по воплю их, грядущему ко Мне, совершаются;/ аще же ни, да разумю./ И, обратившися отгуду, мужие приидоша в Содом;/ Авраам же еще баше стояй пред Господем./ И приблизився, Авраам рече:/ погубиши ли праведнаго с нечестивым, и будет праведник яко нечестивый?/ Аще будут пятьдесят праведницы во граде, погубиши ли я?/ Не пощадиши ли всего места пятидесяти ради праведных, аще будут в нем?/ Никакоже ты сотвориши по глаголу сему,/ еже убити праведника с нечестивым, и будет праведник яко нечестивый: никакоже./ Судяй всей земли, не сотвориши ли суда?/ Рече же Господь:/ аще будут в Содомех пятьдесят праведницы во граде,/ оставлю весь град и все место их ради./ И, отвещав, Авраам рече:/ ныне начах глаголати ко Господу моему, аз же есмь земля и пепел;/ аще же умалются пятьдесят праведницы в четыредесять пять,/ погубиши ли четыредесяти пятих ради весь град?/ И рече: не погублю, аще обрящу тамо четыредесять пять./ И приложи еще глаголати к нему, и рече:/ аще же обрящутся тамо четыредесять?/ И рече: не погублю ради четыредесяти./ И рече: что, Господи, аще возглаголю?/ Аще же обрящется тамо тридесять?/ И рече: не погублю тридесятих ради./ И рече: понеже имаю глаголати ко Господу,/ аще же обрящутся тамо двадесять?/ И рече: не погублю, аще обрящутся тамо двадесять./ И рече: что, Господи, аще возглаголю еще единою?/ Аще же обрящутся тамо десять?/ И рече: не погублю десятих ради./ Отыде же Господь, яко преста глаголя ко Аврааму,/ и Авраам возвратися на место свое.

Притчей чтение (глава 9):

Премудрость созда Себе дом и утверди столпов седмь./ Закла Своя жертвенная, и раствори в чаше Своей вино,/ и уготова Свою трапезу./ Посла Своя рабы, созываючи с высоким проповеданием на чашу, глаголющи:/ **Иже** есть безумен, да уклонится ко Мне./ И требующим ума рече:/ Приидите, ядите Мой хлеб и пейте вино, еже растворих вам./ Оставьте безумие и живи будете,/ и възшцйте разума, да поживете,/ и исправите разум в ведении./ Наказуяй злыя примет себе безчестие,/ обличаяй же нечестиваго опорочит себе:/ обличения бо нечестивому раны ему./ Не обличай злых, да не возненавидят тебе./ Обличай премудра, и возлюбит тя./ Дажь премудрому вино, и премудрший будет./ Сказуй праведному, и приложит приимати./ Начало премудрости страх Господень и совет святых разум:/ разумети бо закон помысла есть благого./ Сим бо образом многое поживеши время,/ и приложатся тебе лета живота.

Премудрости Соломону чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети, и вменися озлобление исход их./ И еже от нас шествие сокрушение, они же суть в мире./ Ибо пред лицем челоуическим аще и муку приимут, упование их безсмертия исполнено./ И в мале наказани бывше, великими благодетельствовани будут,/ яко Бог искуси я и обрете их достойны Себе./ Яко злато в горниле искуси их и яко всеплодие жертвенное прият я./ И во время посещения их возсияют и, яко искры по стоблию, потекут./ Судят языком и обладают людьми, и воцарится Господь в них во веки./ Надёющися Нань разумеют истину, и вернии в любви пребудут Ему./ Яко благодать и милость в преподобных Его, и посещение во избранных Его.

На литии стихирь, глас 4:

Житием иноческим и подвигом/ Церковь нашу Православную прославил еси, преподобне Андрее,/ в нейже

яко в Тэле Христове пребывая,/ достигл еси обожения// и сонму святых приобщился еси.

Образ Пресвятыя Троицы на иконе начертал еси,/ нерожденна Отца,/ предвечно рожденна Сына,/ Духа, от Отца исходяща,/ и сим научаеши таинственному догмату Православныя веры,// Андрее преподобне.

Слава, глас 8:

Якоже великий Сергей/ воздвиже храм Святыя Единосущныя Троицы,/ изгоняя страх ненавистныя розни мира сего,/ такожде и ты, отче Андрее, начертал еси Святыя Троицы образ,/ заповедуя нам единомыслие веры в Церкви Святей хранити,/ идеже несть разделения,// но всяческая и во всех Христос.

И ныне, Богородичен, глас тойже:

Тя и плоть Твою Приявшаго/ зряще во святых образах, Пренепорочная Владычице,/ чудо познаем нашего спасения/ и простираемся к любви Твоей,/ да будем избавлены суда и смерти,/ и поклоняемся, и славим,// возсылающе Ти первообразную честь, Богородице.

На стиховне стихиры, глас 1:

Троицу во Единице/ Бог и Господь праведному Аврааму сокровенно откры,/ Церковь же явственне научи тайне Единосущия Божества,/ ты же, преподобне, иконою Пресвятыя Троицы,/ яко печатию, утвердил еси спасительное ведение сие,// да нерушимо исповедуем Троицу Единосущную и Нераздельную.

Стих: Честна пред Господем// смерть преподобных Его.

Зрением образа Пресвятыя Троицы, преподобне Андрее,/ яко в чертог входим Небеснаго Царя,/ Ему же ныне предстоиши во одеянии брачном/ со Авраамом и всеми святыми,/ в невечернем свете принося хваления,/ моли о нас не претай Владыку всех,// да со избранными Его сопричтемся.

Стих: Блажен муж, бояйся Господа,// в заповедех Его восхощет зело.

Образу Пресвятыя Троицы,/ егѡже писал еси, преподѡбне,/ сила благодатная дадеся:/ зрительне бо открываеши Истину,/ Юже Пилат безумне отри- ну,/ Авраам же в поклонении трием Ангелом сви- детельствова,/ да и мы спасительное поклонение Истинному Богу воздадим// и жертву принесем бла- годарения.

Слава, глас 1:

Недовѡдомей тайне Единицы,/ в Трех Лицах таин- ственно пребывающия,/ тайною веры приобщился еси, преподѡбне,/ и море искушений и страстей, яко сущу, прешед,/ Избавителя и Бога прославляеши// во святых твоих образах.

И ныне, Богородичен, глас тойже:

Неизслѡдимо и никакоже мѡслимо/ Первообразна- го во плоти от Тебѡ, Владычице, явление,// Егѡже Рождеством нас спасла еси.

Тропарь, глас 3:

Божественнаго свѡта лучами облистѡемый,/ препо- дѡбне Андрее,/ Христа познал еси, Божию Премуд- рость и Силу,/ и иконою Святыя Троицы всему миру проповѡдал еси/ Единство во Святей Троице,/ мы же со удивлением и радостию вопиѡм ти:/ имѡяй дерзно- вѡние ко Пресвятей Троице,// моли просветити души наша.

НА УТРЕНИ

По 1-м стихословии седален, глас 6:

Видите крѡны сѡльныя, рече Христос, о ученицы,/ краше бо Соломона во славе егѡ одеяни суть,/ Аз же возлюбих вас, яко образ Мой и подобие,/ да будете усыновлены благодатию./ Сего же дара, преподѡбне, сподоби нас молитвами твоими.

Слава: Святаѡ Православная Церковь, иконою тво- ею, преподѡбне, учит:/ Отец имать Сына и имать Святаго Духа,/ и не глаголем, яко Триѡ суть Бѡзи,

но Един Бог Триэ Сии/ и равни Существом и Божеством и властью.

И ныне, Богородичен: Прибегаяюще присно ко пречистым иконам Твоим, Богородице,/ теми обретаем вся блага ныне,/ и живота конец добр и непостыден,/ и на воздухе бесов зрак Тебе ради не узрим,/ и избежим держащих рукописания согрешений наших.

По 2-м стихословии седален, глас 6:

Око не виде, и ухо не слыша, и на сердце человеку не въздоша,/ яже уготова Бог любящим Его./ Сея же неизреченная райския красоты/ да сподобимся и мы, молитвами преподобнаго.

Слава: Неизреченна и несказанна Святыя Троицы тайна,/ ни Ангельскими, ни человеческими помышленьми постижима,/ паче бо начертаннаго преподобным Андреем образа Божественный Первообраз есть,/ Ему же вси поклонимся сердцем, умом и помышлением.

И ныне, Богородичен: Паче дыхания, представительства Владычицы Марии требуем,/ Та бо, яко Мати Божия, всем призывающим имя Ея/ благая и полезная дарует.

По полиелее седален, глас 8:

В сердцах избранных незримо печатлея Божественный зрак,/ сам сый орудие Пресвятаго Духа,/ горняя красоты нам являеши видение/ и человеки наставляеши ко спасению, преподобне,/ моли Превечную Троицу, Ей же со Ангелы предстоиши,/ спастися душам нашим.

Слава и ныне, Богородичен.

Прокимен и Евангелие преподобнаго.

По 50-м псалме стихира, глас 6:

Ни Ангел, ниже человек, но Сам Христос образотворцев Начальник явися,/ егда запечатле на убресе Свой Божественный лик./ Ты же, преподобне,/ под покровом Его всегда пребывая, // Духом Святым научен еси образы творити.

Канон, глас 4.**Песнь 1**

Ирмос: *Поём песнь победную Единому Богу, / сотворшему преславная, / древле бо фараона // со всеобинством в мори погрузи.*

Приидите, вернии, / со преподобным Андреем песнь победную воспойм / и возславим Пресвятую Троицу, Отца и Сына и Святаго Духа.

К преподобному Сергию, якоже достойный ученик, блаженне Андрее, притекл еси, / и чрез того Святым Духом наставлен был еси, / и вкупе с богоносными Сергием и Никоном, / трие прославили Троицу во Единице.

Сергия великаго достойне прославил еси, яко чтителя Пресвятыя Троицы, / емуже усердно подражал еси, / и нас научаеши достойно поклоняться Единому Богу, / в Трех Лицах нераздельно Сущему, Сотворшему Небо и землю.

Сергием богомудрым научен, древним богословом подобен явился еси, преподобне Андрее, / и яко тии словом, тако ты иконою догмат Троицы проповедал еси в стране Российстей, / и ныне исповедати сей всех научаеши.

Богородичен: *Радуйся, Богородице Дево, / радуйся, Владычице мира, / в Тя бо вселися Един от Святыя Троицы, / сего ради имаши силу спасати погибающих, / спаси рабы Твоя, молящияся Тебе.*

Песнь 3

Ирмос: *Утвердися сердце мое в Господе, / вознесися рог мой в Бозе моем: // яко несть свят, паче Тебе, Господи.*

Сердце твое утвердил еси в Господе, отче преподобне, / и душу очисти еси покаянием, / тело же предал пощению и трудом, / и обитель Пресвятыя Троицы явился еси, / Юже моли о спасении душ наших.

Возлюбил еси Господа всем сердцем, досточудне Андрее, / и любовьию на враги вооружился еси, всех желая обрести Пресвятей Троице, / и всех зовещи Господа возлюбити любовьию неутолимою.

Вéрою сёрдце утвердíl есí незýблемо в Гóсподе,/ и сла́ву Небéсную созерца́л есí сёрдэчныма очýма,/ и благодáтию Дýха Свята́го показýеши в вещéственных образах невещéственная,/ да и мы ны́не пробудímся от сна грехóвнаго и úзрим свет Ёстинный.

Возвеселíлся есí всем сёрдцем о Гóсподе,/ и по всей земл́и просла́вил есí в совершенных образах Победíтеля смёрти,/ и ны́не пребывáеши в непрестáнной рáдости, восходя́ от сла́вы к сла́ве,/ и воспева́еши со А́нгелы Пресвяту́ю Трóицу.

Богорóдичен: О Божéственного промы́шления не-сказáннаго!/ От земных яв́илася есí, Пресвятáя Дéво Богорóдице,/ и соделалася есí м́ира Влады́чица, Мáти Ипостáснаго Слóва,/ Егóже моли́, Застýпнице, о спасéнии нáшем.

Седáлен, глас 8:

А́нгельский образ при́яв, образ и подóбие Творца́ а́нгельским жити́ем в себé возста́вил есí,/ и во образе вещéственном Образ Первообра́знаго начертáл есí, преподóбне,/ и к ёстинному богоподóбию указýеши путь.

Сла́ва, и ны́не, Богорóдичен:

Непрестáнно и рáдостно прославля́ет Тя Цёрковь, Пресвятáя Влады́чице,/ чудотворными бо образы Тво́ими мир просвещáеши/ и мýлости вели́кия всегда́ изливáеши к Тебé притека́ющим с вéрою.

Песнь 4

Ирмо́с: Вознесéна Тя в́идевши Цёрковь на Крестé,/ Сóлнце Пра́ведное,/ ста в чýне своём,/ достóйно зывáющи:// сла́ва сýле Твоéй, Гóсподи.

Пóдвигом та́инственно стяжа́л есí в Цёркви пребы́вание,/ учéнием ея́ послéдуя, преподóбне,/ и, уста́вы святýя Цёркве исполня́я, образы начертáл есí священны́я,/ íхже почита́юще, вопи́ем:/ сла́ва сýле Твоéй, Гóсподи.

Учéние отцёв Цёркве ре́вносно испóлнил есí, преподóбне,/ во́лю бо свою́ отсék, не своя́ измышлéния,

но тех видѣнія начертал еси, / смиреніем же в мѣру их достигнув, Цѣркве свидѣтельство явил еси, зовый: / слава силе Твоей, Господи.

Крест Христов, иже есть любви Пресвятыя Троицы, прославил еси, преподобне, / Крест, Цѣркве утверждение, возлюбил еси, / путем Крестным шествовав, сему поклонятися всех зовѣши, поя: / слава силе Твоей, Господи.

Вѣрою Христа в сердце вселив, блаженне Андрее, / со всеми святыми постигл еси, что есть широта и долготы, глубина и высота святыя Цѣркве, / и иконами показуеши тайны Царствия Небеснаго, глаголя: / слава силе Твоей, Господи.

Богородичен: Вознесена видящи, Богородице, на Крестѣ Сына и Творца Твоего, / оружием в сердце уязвлена была еси, / Страстѣм Крестным Сына Твоего состраждущи, / но неизреченную познала еси радость в Воскресѣнии Его / и славною силою Христовою спасаеши Тебѣ молящихся.

Песнь 5

Ирмос: *От свѣта пресекий первородный грех, / яко во свѣте дела поют Тя, Христѣ, Содѣтеля, // во Свѣте Твоем пути наша направи.*

Сѣргием великим водим, преподобне, к Трисиянному Свѣту пришед / и Сим облистаем, прославил еси Трисвѣтлое Сѣнце, Творца и Бога, создавшаго вся.

Великия благодати сподобился еси, преподобне, / умом вознесыйся к невещественному и божественному свѣту Пресвятыя Троицы. / Сей свет видѣша апостоли на Фаворе, / Афѣнстии же отцы со святым Григорием исповѣдаша яко нетварную силу Божию.

По блаженнем созерцании образа / неизреченную красоту первообраза во свѣте Своѣм откры ти Господь, блаженне отче, / и нас учиши честь и поклонение воздавати, / не вещь почитающе, но первообразную красоту.

Неизреченнаго и Божественнаго Первообраза свет и блистание / отчасти показуеши, преподобне, в тварном

подобии, / на негоже взирающей с молитвою дух ведения почерпают.

Богородичен: Отчее Сияние пройде чрез Тя, Владычице, / и, плоть от Тебе восприявше, световидно Тя преобрази, / яко превышши еси чинов Ангельских и всякия твари.

Песнь 6

Ирмос: Пожру Ти со гласом хваления, Господи, / Церковь вопиет Ти, / от бесовския крове очищися, / ради милости от ребр Твоих // истекшею Кровию.

Толику добродетель и толику тщание / о постничестве и иночестем жительстве имея, преподобне, / яко точно в Божественней любви преуспевати, в земных николиже упражнятися, / сего ради прославлен еси от Господа.

Имя твое и подвиги возжелел еси утаити смиренномудрия ради, отче Андрее, / Видяй же тайное, яве прослави ты пред Ангелы и человеки.

Вселенную всю удивил еси, преподобне, / возсиял бо еси в утесненней и страждущей земли Российстей, от множества враг боримей, / и тако возмогл еси миру всему право проповедати Пресвятую Троицу.

Дивныя Своя суды на тебе яви Господь, / пред Нимже тысяща лет, яко день един, / избра ты в древния веки, прославити же восхотел в конце времен, во утверждение Церкви.

Богородичен: Славнейшая без сравнения горних воинств, / в Церкви, яже есть Тело Христово, в неизследимей глубине и средоточии пребываеши, / плоть Твою Христу заимодавшая, моли Сына Твоего помилovati нас.

Кондак, глас 8:

От юности к Божественней красоте устремляясь, / чудный иконописец в земли Российстей был еси, / и, богоносным твоим учителем поревновав, / сиянием добродетелей украсился еси, преподобне Андрее, // темже и явися Церкви нашей похвала и радование.

Ўкос:

Паче мэры всякія благодать даровася ти, преблаженне отче,/ святыя иконы писати, наипаче же образ Пресвятыя Троицы;/ Бога миру проповедуя, Бога Отца, Бога Сына, Бога Духа Святаго,/ Иже есть Едино Существо в Трех Ипостасех, Едино Естество в Трех Лицах,/ и Едина Премудрость, и Едина Сила, Едино хотение, и Едино Божество./ Темже и явися Церкви нашей похвала и радование.

Песнь 7

Ирмос: *Образу златому не поклонившися, отроцы авраамстии/ искушася, яко злато в горниле,/ в пещи огненной, яко в чертозе светлом,/ ликовася, поюще:// благословен еси, Боже отец наших.*

Огнем вещественным искушаеми в пещи,/ трие отроцы прообразиса некогда Святую Троицу,/ ты же, преподобне, огнем Духа Святаго просвещаем,/ нам показал еси образ Пресвятыя Троицы, да поем:/ благословен еси, Боже отец наших.

Истукана златаго посрамиса трие отроцы в Вавилоне, яко мертва,/ ты же, преподобне, учению Церкви последуя,/ образы свидетельствуеши о Жизнодавце, Слове Воплощенном, да вопием:/ благословен еси, Боже отец наших.

Подвиги различными искушен быв, яко злато в горниле, преподобне,/ ныне в чертозах светлых Отца Небеснаго ликуеши, взывая:/ благословен еси, Боже отец наших.

В световидных твоих образех явил еси, преподобне,/ неизглаболанними дыханьи Духа путь к Богу,/ да им шествующе, глаголем:/ благословен еси, Боже отец наших.

Богородичен: **С**ветлый чертог непрестаннаго веселия являеши, Царице и Владычице,/ яко Тобою избавляемся адския пещи огненныя, и, Твоему образу кланяющася, поем:/ благословен еси, Боже отец наших.

Песнь 8

Ирмос: *Во огни пламеннем предстоят Тебѣ/ Херувими, Серафими, Господи,/ и вся тварь песнь Тебѣ поет красную:/ пойте, благословите, людие, превозносите Христа, // Единого Содетеля во вся веки.*

Подвиги видящи твоя, преподобне, радуется о тебе Церковь, вкупе и дивится:/ како приблизился еси ко огню Пресущественныя Троицы,/ Еяже трепещут Силы Ангельския, и не опалился еси.

Господа и святых Его лики живописуя,/ подвигом оных усердно подражал еси, преподобне,/ пламенем непрестанныя молитвы сердечныя сонмища помыслов злых попалил еси.

Архангели, Ангели и вся Небесныя Силы/ таинственно и со страхом прославляют Господа непрестанными гласы,/ ихже показал еси, яко воочию видево, сам быв земный Ангел,/ ныне же с ними предстоиши у Престола Святыя Троицы.

Апостоли, пророцы, святителие, мученицы, преподобнии и вси святии/ непрестанно прославляют Господа священными песнопеньми,/ ихже славу явил еси во святых твоих образех, сам быв Небесный человек,/ ныне же с ними предстоиши у Престола Святыя Троицы.

Богородичен: *Яко во огонь вошла еси, пресвятая Дево,/ егда изволи вселитися в Тя Слово Ипостасное,/ Имже обожена и преображена и тако на Небеса приятая, мира не оставила еси.*

Песнь 9

Ирмос: *Тя, яко село Пречистаго Слова,/ и приятельще Духа,/ и Благоволения делательще, поем, // в Тебе бо соизменение спасения нашего соделася.*

Дадеса ти благодать, преподобне, образ написати Пресвятыя Троицы/ в Божественном и царstem и ангельstem подобии,/ показуя господственное и владычественное, безначальное и безконечное,/ яко предаша ти святии отцы.

Дівный образ Пресвятія Троицы начертал еси, преподобне, / от вѣчнаго сего зрака ум наш и мысль вознося к Божественному, / не вещь убо чтим, но Святую Троицу, / честь бо, иконе воздаваемая, на первообразное восходит.

Дух Святыи води твоима рукама, преподобне, / егда писал еси образ Пресвятія Троицы, в немже веру в Троицаго Бога показуеши.

Славы ради Пресвятія Троицы, Еяже образ, преподобне, начертал еси, / Трисвятая песнь Трисвятей и Единосущней и Животворящей Троице на земли приносится: / Свят, Свят, Свят Господь Саваоф, исполнь Небо и земля славы Твоея.

Богородичен: Неизреченное есть благоволение Пресвятія Троицы к Тебе, Богородице, / введением бо Твоим во Святаю Святыи величие Твое преднаписася, / волею Отца, приятием Святаго Духа, вселением Сына / Святаю Святыи Церкви Христовы быти сподобилася еси.

Светилен:

Ученик великаго Сергия быв, преподобне Андрее, / яко светильник превознесенный возсиял еси, блистая лучами Божественнаго светолития, / Христа стяжал еси в сердце твоём, Егоже моли просветити души наша.

Слава и ныне, Богородичен.

На хвалитех стихиры, глас 4:

Дивныя красоты священнаго художества твоего, / богомудре Андрее, / недоумееет язык изъяснити, / свидетельствуеши бо земным о Небеснем / чудными иконами твоими / и прославляеши Пресвятую Троицу / силою дарованнаго ти Духа. / Мы же память твою ублажаем, зовуще: // преподобне отче Андрее, моли Бога о нас.

Торжествует Церковь ныне, / преподобне Андрее, / Троицу бо Пресущественную, Истиннаго Бога, прославил еси / и Слово Воплощенное, Крестом вселенную испуившее, вообразил еси, / икон же почитанию

всех поучаеши,/ показуя Истину во образех,// Юже ныне созерцаеши явственно.

Силою непостижимаго всех Творца,/ в Трех Лицах Единого,/ Христова подобие в Тебе обновил еси, отче Андрее,/ молитвами же твоими нам помози// обновити и просветити души наша.

Слава, глас 5:

Днесь торжествует Святія Троицы обитель/ с Сергием и сонмом ученик его/ и со Андроником и Саввою радуется обитель Спасова,/ израстившия земли Российския храмов дивнаго украсителя,/ егоже достойно хвалим и просим усердно:/ преподобне Андрее, моли Пресвятую Троицу// даровати душам нашим мир и велию милость.

И ныне, Богородичен, глас тойже:

Утоли болезни/ многовоздыхающия души моея,/ утолившая всяку слезу от лица земли,/ Ты бо человеком болезни отгониши/ и грешных скорби разрушаеши,/ Тебе бо вси стяжанием надежду и утверждение,// Пресвятая Мати Дево.

Славословие великое.

НА ЛИТУРГИИ

Блаженна от канона, песнь 3-я и 6-я, на 8.

Молитва

О преподобне отче Андрее, зело облагодатствованный пресветлым даром видения первообразов красоты Божественныя! О дивный плоде Церкви Российския, отрасли благая Сергием великим насажденнаго древа! В грозное бо время постави тя Господь свидетель Своего и земли нашея молитвенника велика тя содела. Кто исповесть безчисленныя труды и подвиги твоя, разум земный превосходящия и единому токмо ведомыя Господу, имиже благодать писания чудотворящих икон стяжал еси! Ты благоуханием святых твоих икон весь мир исполнил еси, наипаче образом

Пресвятѣя Трѳицы, да възрѣнием нань побеждѣется всякій грех и ненавѣстная рознь мѣра сегѳ. О преподѳбне и пречѳдне ѳтче, прѣзри с высотѣ, идѣже в Божѣственном свѣте пребывѣаеши, и услѣши молѣтвы нас, грѣшных, и, яко имѣяй дерзновѣние ко Пресвятѣй Трѳице, со преподѳбным Сѣргием и всеми святѣими моли Владѣку всех, о ѣже Цѣрковь его укрепѣти, разобщѣнные соединѣти, расточѣнные собрати и в разумѣние ѣстины всем приитѣ, отвратѣти от нас правѣднѣй гнев Свой и исполнити дарѳв Дѳха Святаго, любвѣ, радѳсти, мѣра, долготерпѣния, блѣгости, милосѣрдия, вѣры, кротѳсти, воздержѣния, земнѳе же странствие прейтѣ нам, грѣшным, безбѣдно, в бѳдущем же вѣце сподѳбитися с тобѳю и всеми святѣими прославляти Пресвятѳю Трѳицу, Отца и Сына и Святаго Дѳха, ныне и прѣсно, и во вѣки вѣков. **Амѣнь.**

Преподобный Андрей Рублев, иконописец, родился около 1360–1370 гг. Иноком он стал между 1380 и 1405 гг., подвизался в Троицкой обители, где находился в послушании у игумена преподобного Никона Радонежского (ученика преподобного Сергия), и в Спасо-Андрониковом монастыре в Москве. В 1405 году преподобный Андрей с иконописцем Феофаном Греком участвует в создании иконостаса и росписей Благовещенского собора Московского Кремля. В 1408 году вместе с иноком Даниилом Черным он расписывает собор Успения Пресвятой Богородицы во Владимире (частично эти фрески сохранились, в том числе изображение Страшного Суда), пишет для Успенского собора иконостас. Позже преподобным Андреем написан так называемый Звенигородский деисисный чин для собора Рождества Пресвятой Богородицы в Саввино-Сторожевском монастыре под Москвой. В 20-е годы XV века Андрей с Даниилом по поручению игумена Никона расписывает Троицкий собор Сергиевой обители и создает для него иконостас. Прославленная во всем мире икона Живоначальной Троицы написана по благословению преподобного Никона святым Андреем в похвалу препо-




добному Сергию Чудотворцу. Эта икона стала образцом для других иконописцев: Стоглавый Собор 1551 года постановил писать образ Пресвятой Троицы так, как писал его Андрей Рублев. Последняя работа святого Андрея — роспись

Спасского собора Спасо-Андроникова монастыря.

Написание святой иконы или фрески является духовным подвигом, требующим и художественного мастерства, и высокого христианского благочестия. Возношение ума к Невещественному и Божественному Свету при созерцании и написании святых икон — вот что отличало святого Андрея и его спостника Даниила, как отмечал преподобный Иосиф Волоцкий. Глубокое постижение учения Святой Церкви, жизни святых и их творений преподоб-

ный Андрей выразил в линиях и красках написанных им икон и фресок. Согласно источникам, в XV–XVII вв. никто не сомневался в святости Андрея Рублева. В Троице-Сергиевой обители инок Андрей всегда почитался святым. Подвигом иконописания святой Андрей возвещает людям истину о Боге, в Троице славимом, вселяя мир в души всех, кто с молитвой взирает на созданные им образы.

Святой Андрей почил в Бозе около 1430 года и погребен в Спасо-Андрониковом монастыре.



МЕСЯЦА ИЮЛЯ В 5-й ДЕНЬ

Святѣя преподобномученицы
великия княгини Елисаветы

Тропáрь, глас 1:

Смирением достоинство княжеское сокрывши, / богомудрая Елисавето, / сугубым служением Марфы и Марии / Христа почтила еси. / Милосердием, терпением и любовью себе предпочистивши, / яко жертва праведная Богу принеслася еси. / Мы же, чтуще добродетельное житие и страдания твоя, / яко истинную наставницу усердно просим тя: / святая мученице великая княгине Елисавето, // моли Христа Бога спасти и просветити души наша.

Кондак, глас 2:

Величие подвига веры кто повесть: / во глубине земли, яко в рай светлости, / страстотерпица великая княгиня Елисавета / со Ангелы во псалмех и пении радовашеся / и, убиение претерпеваючи, / о безбожных мучителях взываше: / Господи, прости им грех сей, / не ведят бо, что творят. / Тоя молитвами, Христэ Боже, // помилуй и спаси души наша.